



ИНД-157

Иргэний Нисэхийн Дүрэм

Аэродром байгуулах, өөрчлөх, нээх ба хаах тухай мэдэгдэл

Иргэний нисэхийн ерөнхий газар

ДҮРМИЙН ТАЙЛБАР

ИНД-157 нь, энэ Дүрэмд заасан төрлийн аэродром, эсхүл хэлипорт байгуулах, өөрчлөх, нээх эсхүл хаахыг санал болгож байгаа этгээдэд зориулсан журмыг тогтооно.

Энэ Дүрэм нь Иргэний нисэхийн асуудал эрхэлсэн Засгийн газрын гишүүний баталсан ИНД-157-гийн цахим хувилбар бөгөөд зөвхөн ишлэл хийх зорилгоор хэрэглэнэ. Хүчин төгөлдөр ИНД-157, түүний нэмэлт, өөрчлөлтийн хуулбарыг ИНЕГ-аас, эсхүл www.mcaa.gov.mn веб сайтаас татаж авах боломжтой.

Мэдээлэл

Гишүүн улсуудын иргэний нисэхийн Дүрмийг сайжруулах замаар иргэний нисэхийн салбарт нэгдсэн нэг Дүрмийн зохицуулалтад шилжих Олон улсын иргэний нисэхийн байгууллагын 1992 оны 29-р чуулганы А29-3 тогтоолыг хэрэгжүүлэх зорилгоор, Монгол Улс болон Шинэ Зеланд улсын ИНЕГ-ын хооронд 1999 оны 5 сарын 6-нд байгуулсан “Техникийн Хамтын Ажиллагааны Санамж Бичиг”-ийг үндэслэн Монгол Улсын Иргэний нисэхийн дүрмийг боловсруулсан.

Өөрчлөлтийн түүх**Хүчинтэй огноо**

Анхны боловсруулалт

2002 оны 12 сарын 20

Нэмэлт, өөрчлөлт 1

2010 оны 05 сарын 07

Нэмэлт, өөрчлөлт 2 (Шинэчлэлт)

2018 оны ... сарын ...

Тэмдэглэл: ИНД-157-гийн шинэчлэлтийг монгол, англи хэл дээр, NZ Part 157 А.1-д үндэслэн боловсруулсан болно.

Гарчиг

157.1	Хамрах хүрээ.....	5
157.3	Тодорхойлолт.....	5
157.5.	Мэдэгдэл шаардах төсөл	5
157.7	Хүсэлтийн мэдэгдэл	6
157.9	Нисэхийн судалгаа	6
157.11	Аэродромын шийдвэр.....	6
157.13	Гүйцэтгэлийн мэдэгдэл.....	7

157.1 Хамрах хүрээ

(a) Энэ Дүрэм нь, энэ зүйлийн (b)-д заасан аэродром, эсхүл хэлипорт байгуулах, өөрчлөх, нээх, эсхүл хаахыг санал болгож байгаа этгээдэд зориулсан журмыг тогтооно.

(b) Энэ Дүрэм нь дараахаас бусад аэродром, эсхүл хэлипортод хамаарна:

- (1) ИНД-139-ийн дагуу гэрчилгээжсэн байхыг шаарддаг аэродром; эсхүл
- (2) аливаа дараалсан 30 хоногийн 7-оос дээшгүй хоног ашигладаг, эсхүл ашиглахад зориулагдсан, ИХНД-ээр үйл ажиллагаа нь хязгаарлагддаг аэродром, эсхүл хэлипорт; эсхүл
- (3) ХАА-н агаарын хөлөг ашигладаг, эсхүл ашиглахад зориулагдсан, нислэгийн хөдөлгөөний удирдлагын бүсэд байрлаагүй, дараах аэродром:
 - (i) хамгийн ойрын бусад аэродромоос 9км-ээс (5nm) багагүй зайд байрладаг;
 - (ii) хамгийн ойрын хэлипортоос 5.6км-ээс (3nm) багагүй зайд байрладаг; эсхүл
- (4) зөвхөн ХАА-н нисдэг тэрэг ашигладаг, эсхүл ашиглахад зориулагдсан, нислэгийн хөдөлгөөний удирдлагын бүсэд байрлаагүй, дараах хэлипорт:
 - (i) хамгийн ойрын аэродромоос 5.6км-ээс (3nm) багагүй зайд байрладаг;
 - (ii) хамгийн ойрын бусад хэлипортоос 1.8км-ээс (1nm) багагүй зайд байрладаг.

157.3 Тодорхойлолт

Энэ Дүрмийн 157.1 болон 157.5-ын тухайн зорилгоор:

“**Аэродром**” нь, нисдэг тэрэг ашиглахад тусгайлан зориулсан, эсхүл бүтээсэн, газар, эсхүл усан дээр тогтоосон талбайг багтаахгүй;

“**Хэлипорт**” гэж нисдэг тэрэг ашиглахад газар, эсхүл усан дээр тусгайлан зориулсан, эсхүл бүтээсэн болон байгууламж дээр тогтоосон аливаа талбайг.

157.5. Мэдэгдэл шаардах төсөл

Дараах аливаа ажлыг гүйцэтгэхээр зорьж байгаа этгээд (цаашид Хүсэлт гаргагч гэх) нь 157.7-д заасан хэлбэрээр Даргад мэдэгдэнэ:

- (1) энэ Дүрэм хамаарах аэродром, эсхүл хэлипортыг байгуулах, эсхүл бусад хэлбэрээр бий болгох, эсхүл ийм аэродром, эсхүл хэлипортыг ажиллуулах;
- (2) энэ Дүрэм хамаарах аэродром, эсхүл хэлипортын аливаа хөөрч буух зурвас, эсхүл бусад агаарын хөлгийн хөөрөлт, эсхүл буултын талбайг байгуулах, чиглэл өөрчлөх, өөрчлөх, эсхүл ажилд оруулах;
- (3) зөвхөн ИХНД-ээр үйл ажиллагаа нь хязгаарлагддаг аэродром, эсхүл хэлипортыг дараалсан 30 хоногт 7-оос дээш хоногоор ашиглахаар сунгах;

- (4) энэ Дүрэм хамаарах аэродром, эсхүл хэлипортыг, эсхүл тухайн аэродром, эсхүл хэлипортын хөөрөлт, эсхүл буултын аливаа талбайг нэг жил, эсхүл түүнээс дээш хугацаагаар хаах, ашиглалтыг зогсоох, эсхүл татгалзах.

157.7 Хүсэлтийн мэдэгдэл

- (a) Энэ дүрмийн 157.5 (1), (2) болон (3)-т шаардсан хүсэлтийг, тухайн ажил эхлэх өдрөөс 90-ээс доошгүй хоногийн өмнө САА 24157/01 маягтын дагуу Даргад хүргүүлсэн байна.
- (b) Энэ дүрмийн 157.5(4)-т шаардсан хүсэлтийг, хаах, ашиглалтыг зогсоох, эсхүл татгалзахаар төлөвлөсөн өдрөөс 30-аас доошгүй хоногийн өмнө бичгээр хүргүүлсэн байна.

157.9 Нисэхийн судалгаа

- (a) Дарга, 157.7(a)-ийн дагуу хүсэлтийг хүлээн авч, нисэхийн судалгаа хийнэ.
- (b) Дарга тухайн нисэхийн судалгаа хийхдээ хамааралтай гэж үзсэн иргэд, төлөөллийн бүлэг болон байгууллагатай зөвлөлдөнө.
- (c) Нисэхийн судалгааг, тухайн санал болгосон ажиллагаа нь агаарын зайд агаарын хөлгийг аюулгүй, үр ашигтай ашиглах, болон газарт байгаа хүн болон өмч хөрөнгийн аюулгүй байдалд үзүүлэх нөлөөллийг тодорхойлох зорилгоор хийнэ. Тухайлбал, нисэхийн судалгаа нь дараах хүчин зүйлийг анхаарч үзнэ:
- (1) тухайн санал болгосон ажиллагаа нь одоо байгаа, эсхүл шинээр төлөвлөж байгаа аэродром, хөрш аэродромын хөдөлгөөний хайрцагт хэрхэн нөлөөлөх талаар;
 - (2) тухайн санал болгосон ажиллагаа нь, одоо байгаа болон төлөвлөж байгаа агаарын зайд хэрхэн нөлөөлөх талаар;
 - (3) тухайн санал болгосон ажиллагаа нь газарт байгаа хүн болон өмч хөрөнгийн аюулгүй байдалд хэрхэн нөлөөлөх талаар;
 - (4) тухайн холбогдох газар нутагт одоо байгаа, эсхүл хүний гараар бүтээхээр санал болгож байгаа объект болон байгалийн объект нь санал болгосон ажиллагаанд хэрхэн нөлөөлөх талаар.

157.11 Аэродромын шийдвэр

- (a) Нисэхийн судалгаа дууссаны дараа, Дарга хүсэлт гаргагч, холбогдох орон нутгийн удирдлага болон бусад сонирхогч этгээдэд аэродромын талаар дараах аль нэг шийдвэрийг гаргаж өгнө:
- (1) **Татгалзах зүйлгүй:** тухайн санал болгосон ажиллагаа нь агаарын зайд агаарын хөлгийг аюулгүй, үр ашигтай ашиглах, болон газарт байгаа хүн, өмч хөрөнгийн аюулгүй байдал болон хүрээлэн буй орчинд сөргөөр нөлөөлөхгүй гэж үзвэл, Дарга татгалзаагүй гэсэн шийдвэр гаргана;

(2) **Нөхцөл заасан:** Дарга, тухайн санал болгосон ажиллагааны хүлээн авах боломжгүй хүчин зүйлийг тогтоон, хэрэв тодорхой заасан нөхцөлийг дагаж мөрдсөн тохиолдолд, тухайн санал болгосон ажиллагаа нь агаарын зайд агаарын хөлгийг аюулгүй, үр ашигтай ашиглах, газарт байгаа хүн, өмч хөрөнгийн аюулгүй байдал болон хүрээлэн буй орчинд сөргөөр нөлөөлөхгүй гэж Дарга үзвэл, нөхцөл заасан шийдвэр гаргана;

(3) **Хүлээн авах боломжгүй:** Дарга, тухайн санал болгосон ажиллагааг хүлээн авах боломжгүй шалтгааныг тогтоовол, хүлээн авах боломжгүй шийдвэр гаргах ба санал болгосон ажиллагааг хүлээн авах боломжгүй болсон Даргын шалтгааныг тодорхой заана.

(b) Нислэг үйлдэх агаарын зайн ашиглалтын оновчтой төлөвлөлтийг хялбаршуулах зорилгоор хүлээн авах боломжгүй болон нөхцөл заасан шийдвэрт тухайн хүчингүй болох хугацааг тодорхой заана.

(c) Энэ Дүрэмд шаардсан мэдэгдэл шаардлагатай бүх ажил, эсхүл ажиллагааг тухайн шийдвэрт заасан хугацаанд багтаан хэрэгжүүлж дууссан байна. Аливаа хэлбэрээр сунгасан, өөрчилсөн, эсхүл цуцалснаас бусад тохиолдолд, аэродромын шийдвэр нь заагдсан тухайн өдөр хүчингүй болно.

(d) Сонирхсон этгээд шийдвэрийн хүчингүй болох хугацаанаас 15-аас доошгүй хоногийн өмнө Даргад дараах хүсэлтийг гаргаж болно:

(1) тухайн шийдвэр гарсан үндэслэлийг өөрчлөх шинэ баримтад тулгуурлан шийдвэрийг дахин авч үзэх; эсхүл

(2) шийдвэрийн үйлчлэх хугацааг сунгах.

157.13 Гүйцэтгэлийн мэдэгдэл

Хүсэлт гаргагч нь 157.5-ын дагуу аливаа хийгдсэн ажлын гүйцэтгэлийн талаар, тухайн ажиллагаа дууссанаас хойш 15 хоногийн дотор Даргад бичгээр мэдэгдэнэ.

--oOo--